

Talamdan sa
Mga Mensahe alang sa Full-time Training
sa Spring Term sa 2023

LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO

Mensahe 13

**Magpahimulos sa Kadato ni Cristo ug Maluwas diha sa Iyang Kinabuhi
sa Pagtawag sa Ngalan sa Ginoo aron Mahimong Mga Mananaog Niya nga Mga Tawong Mousab sa Panahon**

Basahong Kasulatan: Mat. 1:21; Rom. 10:12-13; Gen. 4:26; Buh. 2:21; Sal. 80:17-19; 116:1-2, 4, 12-13, 17

I. “Manganak siyag anak nga lalaki, ug nganlan nimo Siyag Jesus, kay Siyay moluwas sa Iyang katawhan gikan sa ilang mga sala”—Mat. 1:21:

- A. Ang ngalang Jesus nagpasabot og si *Jehova nga Manluluwas o ang kaluwasan ni Jehova*; ang Dios (Heb. *Elohim*, nagpasabot og ang Gamhanan) nagpasabot sa Iyang gahom (Gen. 1:1), ug kini ang ngalan sa Dios sa relasyon Niya sa kabuhatan, samtang *Jehova* ang ngalan sa Dios sa relasyon Niya sa tawo (2:4).
- B. *Jehova* ang ngalan sa Dios, ang naanaa sa Iyang Kaugalingon ug naa sa kanunay nga Walay Kataposan (Exo. 3:14); si Jesus mao si Jehova, ang dakong Ako Mao, ang mao karon, ang mao kanhi, ug ang mao sa umalabot hangtod sa hangtod (Bug. 1:4).
- C. Kay Ako Mao man ang ngalan sa Ginoo (Juan 8:58), makaingon Siya nga, “Ako Mao ang bisan unsang gikinahanglan nimo”; bisan unsay gikinahanglan nato, si Jesus mao; naa tay tsekeng pinirmahan nga wala sulati sa kantidad, ug masulatan nato kini sa bisan unsang kantidad nga gikinahanglan nato; naay mga panig-ingnan niini sa Ebanghelyo ni Juan.

II. Ang Hebreohanong pulong sa *motawag* nagpasabot og “*motawag ngadto sa, motuaw ngadto,*” sa ato pa, *motawag nga madungog*; ang Griyegong pulong sa *motawag* nagpasabot og *mosangpit og tawo, tawgon ang ngalan sa tawo nga madungog gyod*:

- A. Sa espirituhanong ginsakpan katingad-ang prinsipyo kanang mapuslanon ang paglitok; kon dili ta makaampo ug makatawag sa Ginoo og kusog sa atong panimalay, mangita tag dapit nga ikasulti natog kusog ang atong luwan sama sa gibuhay sa Ginoo; usahay moadto Siya sa hilit nga dapit (Mar. 1:35), ug usahay moadto Siya sa bukid nga Siya ra aron mag-ampo (Mat. 14:22-23; Luc. 6:12); moampo gyod ta nga madungog bisag sa hinay lang nga tingog.
- B. “Nahigugma ko ni Jehova kay naminaw Siya / Sa akong tingog, sa akong mga pangaliyupo, / Tungod kay gikiling Niya kanako ang Iyang igdulungog; / Busa motawag ko Niya sa tanan nakong adlaw”—Sal. 116:1-2.
- C. “Padungga ko sa imong tingog”—A. A. 2:14b.

III. Niingon ang Roma 10:12 ug 13, “Walay kalainan tali sa Judio ug sa Gresyanhon, kay ang mao rang Ginoo, Ginoo sa tanan ug dato sa tanang motawag Niya; kay bisan kinsang motawag sa ngalan sa Ginoo maluwas gyod”:

- A. Ang sekreto nga makapahimulos sa dili matugkad nga kadato ni Cristo aron matukod ang Lawas ni Cristo nga kahupnganan ni Cristo ug sa Dios aron mahimaya Siya diha sa iglesia mao ang pagtawag sa ngalan sa Ginoo—Efe. 3:8; 1:22-23; 3:19, 21.
- B. “Unsa may ikabayad nako ni Jehova / Tungod sa tanang kaayohan Niya kanako? / Dawaton ko ang kopa sa kaluwasan / Ug motawag sa ngalan ni Jehova—Sal. 116:12-13; itandi sa 103:1-22:
 - 1. Diha ni Adam ang atong pahat mao ang kopa sa kapungot sa Dios (Bug. 14:10), apan giinom ni Cristo kanang kopaha alang nato sa malangkobon-sa-tanan nga kamatayon Niya (Juan 18:11); aron kini makapahimulos ta Niya isip kopa sa kaluwasan sa Iyang pagkabanhaw; kining kopaha mao si Cristo mismo nga realidad sa tanang kabilin sa bag-ong pakigsaad (Luc. 22:20; Isa. 42:6).

2. Ginganlan kining kopaha og “ang kopa sa panalangin” (1 Cor. 10:16) ug naa niini ang kinadak-ang panalangin—ang Tulo-usang Dios mismo (Num. 6:22-27) nga mao ang nahikay, malangkobon-sa-tanan nga Espiritung taghatag-og-kinabuhi nga nagpuyo nato aron atong mapahimuslan (Gal. 3:14).
 3. Kining kopaha mao ang nag-awas nga diosnong kopa, ang kopa sa laraw sa Dios (*Mga Alawiton*, #223); naa gyoy kapin kanunay sa motilaw ta sa atong Ginoo nga puno-sa-grasya ug sa moambit ta sa tibuok Niyang gugma nga realidad sa kompletong kaluwasan sa Dios (*Mga Alawiton*, #595; 1 Cor. 2:9).
- C. Motawag ngani ta sa ngalan sa Ginoo, maluwas ta diha sa Iyang kinabuhi aron maanaa ta kanunay sa kahikayan sa pagkahimong Cristo pinaagi sa organicong kaluwasan Niya sugod sa pag-anak pag-usab, agi sa pagtransporma, ug ngadto sa paghimaya, sa hiniusang pagpadayag Niya—Rom. 5:10; 8:10, 6, 11; 2 Cor. 3:18; 5:4.
 - D. Motawag ngani ta sa ngalan sa Ginoo, naa ta sa Espiritu Santo ug sa ingon niana naa sa realidad sa gingharian sa Dios, nga pagkamatarong, kadait, ug kalipay diha sa Espiritu Santo; tungod niana, sa pagtawag nato sa ngalan sa Ginoo makahari ta diha sa Iyang kinabuhi aron morepresentar Niya gamit ang Iyang pagbulot-an—1 Cor. 12:3b; Rom. 14:17; Gen. 1:26; Rom. 5:17.

IV. Dili bag-ong batasan nga gisugdan sa Bag-ong Tugon ang pagtawag sa ngalan sa Ginoo; nagsugod hinuon kini ni Enos (nga nagpasabot og “tawo nga huyang ug mamatay”), nga ikatulong kaliwatan sa katawhan sa Genesis 4:26:

- A. Gipadayon kini ni Job (Job 12:4; 27:10), ni Abraham (Gen. 12:8; 13:4; 21:33), ni Isaac (26:25), ni Moises ug sa mga anak sa Israel (Deut. 4:7), ni Samson (Huk. 15:18; 16:28), ni Samuel (1 Sam. 12:18; Sal. 99:6), ni David (2 Sam. 22:4, 7; 1 Cron. 16:8; 21:26; Sal. 14:4; 17:6; 18:3, 6; 31:17; 55:16; 86:5, 7; 105:1; 116:1-2, 4, 13, 17; 118:5; 145:18), sa salmista nga si Asap (80:17-19); sa salmista nga si Heman (88:9), ni Elias (1 Hari 18:24), ni Isaias (Isa. 12:4), ni Jeremias (Lam. 3:55, 57), ug sa uban pa (Sal. 99:6), nga pulos nagbatasan sa pagtawag sa ngalan sa Ginoo sa panahon sa Daang Tugon.
- B. Giawhag ni Isaias ang mga nagtinguha sa Dios sa motawag Kaniya (Isa. 55:6); bisan ang mga Gentil nasayod man nga gibatasan sa mga propeta sa Israel ang pagtawag sa ngalan sa Dios (Jon. 1:6; 2 Hari 5:11); ang mga Gentil nga taga-amihanan nga gipabangon sa Dios nitawag sab sa Iyang ngalan (Isa. 41:25; itandi sa Esd. 1:1-4).
- C. Sugo (Sal. 50:15; Jer. 29:12) ug tinguha sa Dios (Sal. 91:15; Sof. 3:9; Zac. 13:9) nga motawag Niya ang Iyang katawhan; kini ang malipayong paagi sa pag-inom sa tuboran sa kaluwasan sa Dios (Isa. 12:3-4) ug ang makalingaw nga paagi sa paglipay sa atong kaugalingon diha sa Dios (Job 27:10), sa ato pa, sa pagpahimulos Kaniya.
- D. Busa, motawag gyod sa Dios ang Iyang katawhan adlaw-adlaw (Sal. 88:9); gipanagna ni Joel kanang makalipay nga batasan (Joel 2:32) kalabot sa jubileo sa Bag-ong Tugon.

V. Sa Bag-ong Tugon, unang gihisgotan ni Pedro ang pagtawag sa ngalan sa Ginoo sa adlaw sa Pentecostes, isip katumanan sa panagna ni Joel—Buh. 2:21:

- A. Kinahanglanon gyod kaayo ang pagtawag sa ngalan sa Ginoo aron makaambit ug makapahimulos ta, nga mga magtutuo ni Cristo, sa malangkobon-sa-tanan nga Cristo ug sa tanang nahuman, nakab-ot, ug nabatonan Niya (1 Cor. 1:2); importanteng batasan kini sa pamatigayon sa Dios nga makapapahimulos nato sa nahikay nga Tulo-usang Dios aron hingpit tang maluwas (Rom. 10:10-13).
- B. Gibatasan kini sa tanang dapit sa unang mga magtutuo (1 Cor. 1:2), ug ngadto sa mga dili magtutuo, ilabi na sa mga maglulutos, nahimo kining inilang ilhanan sa mga magtutuo ni Cristo (Buh. 9:14, 21).
- C. Sa dihang gilutos si Esteban, gibuhat niya kini, nitawag siya sa ngalan sa Ginoo nga madungog gyod, kusog man ngani, ug nasilsil gyod sa panumdoman ni Saulo, nga usa sa iyang mga maglulutos, ang iyang gibuhat (7:58-60; 22:20-21); sa ngadto-ngadto, gilutos ni Saulo nga dili matinuohon ang mga tigtawag (9:14, 21), gihimong madungog nga ilhanan nga mga magsusunod sila sa Ginoo ang pagtawag nila sa ngalan ni Ginoong Jesus.
- D. Human gyod mabihag sa Ginoo si Saulo, gisugo siya ni Ananias, nga nagdala niya sa pakig-ambitay sa Lawas ni Cristo, nga magpabautismo, nga motawag sa ngalan sa Ginoo aron ipakita sa uban nga nahimo na sab siyang ingon niana nga tigtawag—22:14-16.

E. Sa pulong niya ni Timoteo sa 2 Timoteo 2:22, gipakita ni Pablo nga sa unang panahon gibatasan sa tanang nagtinguha sa Ginoo kining pagtawag; sa walay duhaduha, usa siya sa nagbatasan niini, kay gisugo man niya ang iyang batan-ong masigka-magbubuhay nga si Timoteo sa pagbuhay niini aron makapahimulos sab si Timoteo sa Ginoo sama niya.

VI. Nadani sa ngalan ni Cristo ang mahigugmaong nagtinguha sa Ginoo, ug gimintinar niya ang diosnon, mistico, personal, mabination, ug suod nga paghigugmaay niya ug sa Ginoo pinaagi sa pagtawag niya sa Iyang ngalan—“Sama sa lanang gibubo ang imong ngalan; / Busa nahigugma nimo ang mga dalagang ulay”—A. A. 1:3b:

- A. Ang madanihong ngalan ni Cristo, ang Iyang persona, Iyang pagkamao, mao ang malanglobon-satanan, sinagol nga lanang igdihog, nga nagtimaan sa Espiritu, nga gisagolan sa Dios, sa tawo, sa Iyang kamatayon, sa pagkapektibo sa Iyang kamatayon, sa Iyang pagkabanhaw, ug sa gahom sa Iyang pagkabanhaw—Exo. 30:22-30; Fil. 1:19.
- B. Motawag ngani ta sa Iyang ngalan nga nigamit sa atong espiritu ug gikan sa putling kasingkasing, nagpahalok ta Niya “sa mga halok sa Iyang baba,” nga nagtimaan nga labing personal ug suod ta nga nikontak Niya—2 Tim. 2:22; itandi sa 2 Cor. 2:10.
- C. Kon dunay mosangpit sa atong ngalan, motubag ta kay kita man ang persona nianang ngalana; motawag ngani ta sa ngalan sa Ginoo, maato ang malangkobon-satanan, sinagol nga Espiritu nga persona sa Iyang ngalan; aron mahimong persona nato si Cristo alang sa usang bag-ong tawo, batasanon gyod nato ang pagtawag sa ngalan sa Ginoo.

VII. Ang pagtawag nato sa ngalan sa Ginoo mao ang espirituhanong pagginhawa nato Niya nga espirituhanong gininhawa nato ug ang espirituhanong pag-inom nato Niya nga espirituhanong ilimnon nato—1 Cor. 10: 3-4:

- A. Niingon ang estansa 1 ug ang koro sa *Mga Alawiton*, #255 nga:
 - 1. “Ginhawai’s Espiritu, / Tudloi’g hanggap Nimo; / Tabangi ko sa paghabwa / Sa sala’g kaugalingon.”
 - 2. “Giginhawang kasub-anan, / Ug ang sala ko; / Gihanggap kahupnganan Mo, / Nganhi’s sulod ko.”
- B. Niingon ang *Mga Alawiton*, #73, estansa 2—“Jesus daygon, Manluluwas! / Na’ Nimong kin’hanglan ko; / Tawgon lang ug ginhawaon, / Kinabuhi mainom.”
- C. Ang Espiritu mao ang Ginoo mismo nga gininhawa (Juan 20:22) ug buhing tubig (4:10, 14); aron mahanggap Siya nga atong gininhawa ug mainom Siya nga atong buhing tubig, motawag gyod ta Niya:
 - 1. “Nitawag ko sa Imong ngalan, O Jehova, / Gikan sa kinalawmang gahong. / Nakadungog Ka sa akong tingog; ayaw tagoa / Ang Imong igdulungog sa akong pagginhawa, sa akong pagtuaw”—Lam. 3:55-56.
 - 2. Ang pagtawag nato sa ngalan sa Ginoo mao ang paagi sa “pagtimba og tubig nga magkalipay / Gikan sa mga tubod sa kaluwasan”—Isa. 12:2-6; *Mga Alawiton*, #1340.
 - 3. Labot pa, moingon ngani ta nga may hustong espiritu nga, “si Jesus Ginoo!” o “Ginoong Jesus!” naa ta sa Espiritu Santo, ug niinom ta sa usang Espiritu nga mao ra nga espirituhanong ilimnon nato nga niagay gikan ni Cristo nga mao ra nga espirituhanong bato nato (1 Cor. 12:3, 13; 10:4) aron diosnon, mistico, ug organico tang masama alang sa pagkausa sa Lawas ni Cristo (1:10; 2 Cor. 12:18; 13:11).

VIII. Nagkinabuhi ang mga mananaog sa prinsipyo sa batang-lalaki pinaagi sa pulong sa ilang panghimatuod ug wala nila higugmaa ang ilang kinabuhi-sa-kalag bisan ngadto sa kamatayon; gidumilian nila ang kaugalingon sa pagtawag nila sa ngalan sa Ginoo—Bug. 12:2, 5, 10-11:

- A. Nakadaog sila ni Satanas tungod sa pulong sa ilang panghimatuod; nagpasabot ang panghimatuod sa pagsulti nato sa uban kon unsay naa ni Cristo, ug ang pulong sa panghimatuod butang nga isulti gyod:
 - 1. Makadaog ta ni Satanas sa pagpahayag nato sa espirituhanong mga kamatuoran sa pagdaog ni Cristo; ipahayag ngani nato nga si Jesus Ginoo o motawag ta sa Iyang ngalan sa pag-ingon og, “Ginoong Jesus,” makapasundayag ang Ginoo sa pagdaog Niya ni Satanas, sa sala, ug sa kamatayon.
 - 2. Kanang labaw sa tanang ngalan ang ngalan ni Jesus espirituhanong kamatuoran man nga ipahayag gyod nato sa pagtuo dili lang ngadto sa mga tawo kondili ngadto sab ni Satanas; ipahayag gyod nato ni Satanas ug sa iyang mga demonyo nga si Jesus Ginoo, nga madaogon ang Ginoo, ug

nga gidugmok na si Satanas ilalom sa Iyang mga tiil—Efe. 1:21; Fil. 2:9-11; Juan 14:30b; Rom. 16:20.

- B. Nakadaog sila ni Satanas sa wala nila paghigugma sa ilang kinabuhi-sa-kalag bisan ngadto sa kamatayon, gidumilian ang kaugalingon sa pagtawag nila sa ngalan sa Ginoo:
1. Tungod sa pagkahulog ni Adam, giusa na ni Satanas ang iyang kaugalingon sa kinabuhi-sa-kalag sa tawo, sa kaugalingon sa tawo; aron makadaog niya dili gyod nato higugmaon ang atong kinabuhi-sa-kalag kondili dumtan ug dumilian hinuon kini—Mat. 16:23-24; Luc. 14:26; 9:23-24.
 2. Sa pagtawag nato sa ngalan sa Ginoo sa pag-ampo, maaplikar nato ang panan-awon sa Bukid sa Pagkausab sa Dagway, ang panan-awon sa persona ni Cristo lakip sa malangkobon-sa-tanan nga kamatayon Niya ug sa kahibulongang pagkabanhaw Niya nga mahimong tibuok, malangkobon-sa-tanan nga puli nato aro mapalugwa ang usang bag-ong tawo sa pagpadayag sa gingharian—Mar. 8:27—9:13.
 3. Human gyod manaog ang Ginoo ug ang Iyang tulo ka tinun-an gikan sa Bukid sa Pagkausab sa Dagway, dihay amahan nga niingon nga gihangyo niya ang mga tinun-an sa Ginoo nga hinginlan ang demonyo gikan sa iyang anak nga gisakit, apan wala sila makahimo (vv. 17-29); gisultian sila sa Ginoo sa hinungdan nganong wala sila makahimo—“Dili mapagula kining matanga sa bisan unsang paagi kondili sa pag-ampo ra” (v. 29).
 4. Ang pag-ampo nagpasabot nga nakaamgo ta nga balewala ta ug walay mahimo; ang pag-ampo mao ang tinuod nga pagdumili sa kaugalingon; ang pag-ampo sa pagkatinuod pagpahayag man nga, “Dili na ako kondili si Cristo”; nagpakita kini nga dumilian gyod nato ang atong kaugalingon aron mahimong puli nato si Cristo ug mahimong tanan nato—Gal. 2:20.
 5. Sa pagkatinuod, dili na ta moampo pag taas aron madumilian ang atong kaugalingon; igo na ang pagtawag lang og “O Ginoong Jesus!” bisan kanang mubong pag-ampo nagpakita man nga “dili na ako kondili si Cristo”: ang pag-ampo natog mubong pag-ampo sa pagtawag nato sa ngalan sa Ginoo nanghimatuod nga wala ta mogamit sa kaugalingon natong paningkamot sa pagtagad sa sitwasyon; giaplikar hinuon nato si Cristo, nga mao ang pagbatasan sa panan-awon kalabot ni Cristo lakip sa Iyang kamatayon ug pagkabanhaw nga puli nato.

IX. Aron mahimong mga tawo nga mousab sa panahon sama ni Daniel, kinahanglan mga tawo tang mainampoon nga nagtawag sa ngalan sa Ginoo; nisalig si Daniel sa pag-ampo sa paghimo sa dili mahimo sa tawo, ug nisalig siya sa pag-ampo sa pagsabot sa dili masabot sa tawo:

- A. Sa pagkabihag ni Daniel niabot sa kinahabogan ang iyang pag-ampo sa paghangyo niya sa Ginoo, pinaagi sa pagtawag niya sa Iyang ngalan, nga mobuhat aron matuman ang gitinguha sa Iyang kasingkasing—“Pasidlaka ang Imong nawong nganha sa Imong balaang puluy-anan nga nahimong biniyaan, tungod ug alang sa Ginoo” (Dan. 9:17); ang mga pulong *tungod ug alang sa Ginoo* nagpakita nga hingpit gyong alang sa Dios ang pag-ampo ni Daniel ug dili alang sa iyang kaugalingon.
- B. Nituwaw si Daniel sa Dios sa pag-ampo sa pagtawag niya sa Iyang ngalan aron desperadong moampo nga, “O Ginoo, pamati! O Ginoo, pasayloa! O Ginoo, pamati ug pagbuhat! Ayaw paglangan, tungod ug alang sa Imong Kaugalingon, O Dios ko; kay ginganlan sa kaugalingon Mong ngalan ang Imong syudad ug ang Imong katawhan”—v. 19.
- C. Ang mga sulod sa panan-awong nadawat ni Daniel mao ang kapitoan ka semana, nga mao ang dangatanang gitudlo sa Dios alang sa Iyang katawhan ug sa Iyang balaang syudad—vv. 24-27.
- D. Nagpakita kini nga motawag gyod ta sa Ginoo sa atong pag-ampo aron makadawat tag bag-ong mga pinadayag Niya ug sa tinguha sa Iyang kasingkasing aron mahuman ang Iyang walay kataposang pamatigayon—“Tawga Ko, ug motubag Ko nimo ug mosulti nimog natago ug dagkong mga butang, nga wala nimo mahibaloi”—Jer. 33:3; itandi sa 1 Cor. 2:9-10; Efe. 3:18b; *Mga Alawiton*, #163.